

Tekst sa više različitih izvora

Ćudić objavila snimke iz Zavoda Pazarić: Djeca vezana za namještaj i radijatore

„Ovo je nedopustivo u 21. vijeku“, rekao je direktor Zavoda u Pazariću na navode zastupnice Naše stranke Sabine Ćudić.



Zastupnica Naše stranke u Predstavničkom domu Parlamenta Federacije BiH Sabina Ćudić medijima je danas ustupila fotografije za koje je navela da su napravljene u Zavodu za zbrinjavanje mentalno invalidne djece i omladine Pazarić, na kojima se vidi kako su djeca vezana za namještaj i radijatore, a nastali su u proteklih godinu dana.

"Ova situacija se može nazvati modernim ropstvom", rekla je Ćudić na konferenciji za novinare u Sarajevu.

"Kao rezultat ovih metoda mnoga djeca imaju ozbiljne zdravstvene poteškoće, pored vidnih trauma", dodala je Ćudić.

Ćudić optužila upravu Doma

Usljed nemara prethodne uprave, Zavod ni danas nema dovoljan broj stručnih kadrova potrebnih za rad sa štićenicima među kojima je i 47-oro bolesne djece, ta djeca, pod sedativima noće s jednom njegovateljicom, što ni blizu ne odgovara standardima, kazala je Ćudić, prenosi FENA.

Zastupnica Naše stranke izjavila je da je Parlament i javnost upoznala sa dešavanjima u Zavodu u Pazariću, nakon što Vlada i resorno ministarstvo nisu smijenili članove i članice Upravnog i Nadzornog odbora koji su u Zavodu ostali iz prethodnog mandata.



Ćudić je na sjednici Predstavničkog doma zvanično podnijela inicijativu kojom traži da Vlada FBiH smijeni članove prijašnje uprave koji su i sad na pozicijama i zbog čijeg se namara, kako je dodala, dešava "moderno ropstvo", zlostavljanje štićenika.

"Ove fotografije dodatno govore o obimu tragedije koja se dešava ovoj djeci", kazala je Ćudić.

Ona je zatražila i da Ministarstvo rada i socijalne politike, za 90 dana od odobravanja ove inicijative u Parlamentu, podnese izvještaj o poduzetim mjerama, kao i da Tužilaštvo ubrza svoje djelovanje u ovom slučaju.

Direktor: Osuđujem vezivanje djece

Većina zastupnika u Predstavničkom domu Parlamenta FBiH nije prihvatila prijedlog Sabine Ćudić da se na dnevnom redu nađe informacija o stanju u Zavodu Pazarić, prenio je portal Klix.ba, navodeći da su za ovu tačku glasali klubovi zastupnika SDP-a, Naše stranke, Naroda i pravde i PDA. Klubovi SDA, HDZ-a i DF-a su bili dijelom suzdržani, a dijelom protiv prijedloga, dok je SBB velikim dijelom bio za. U konačnici za raspravu su bila 22 zastupnika, 48 ih je bilo protiv, a šest suzdržano.



Predstavnički dom je na kraju zadužio radno tijelo da u roku od sedam dana provjeri sve navode o stanju u Zavodu za mentalno zbrinjavanje invalidne djece Pazarić, kao i da prikupi nalaze svih inspekcija koje su do sada odlazile u taj zavod i o svemu tome obavijesti Predstavnički dom radi odgovarajuće reakcije, prenijela je Fena.

"Osuđujem svaki vid vezivanja djeteta, to je nedopustivo, ali ne želim da se ovim sada prikrije kriminal koji se dešavao u Zavodu", rekao je za Al Jazeerau direktor Zavodu za zbrinjavanje mentalno invalidne djece i omladine Pazarić Redžep Salić, koji je na poziciju direktora Zavoda imenovan u aprilu.

„Ovo je nedopustivo u 21. vijeku“, rekao je Salić, dodajući da će uskoro javnosti poslati kompletnu informaciju o stanju u Zavodu.

Ministrica za ljudska prava i izbjeglice BiH Semiha Borovac izjavila je da očekuje da će to stanje u Pazariću doživjeti bolji epilog ili poboljšanje uslova u tom centru.

"Društvo mora učiniti sve da se takve situacije prevaziđu odnosno da uopšte ne dođe do takvih situacija. Mi smo kao država otvoreni za kontrolu i nadzor nad ustanovama zatvorenog tipa", kazala je Borovac.

Tekst sa jednim izvorom

UZNEMIRUJUĆI PRIZORI



Ćudić predstavila šokantne detalje iz Zavoda Pazarić: Djeca vezana za radijatore i namještaj

A. D.
20.11.2019. u 09:52

332 komentara
21,4k dijeljenja



Zavod Pazarić

Sabina Ćudić



Na današnjoj press konferenciji u Zastupničkom domu Parlamenta FBiH zastupnica Naše stranke Sabina Ćudić prezentirala je šokantne detalje o tretmanu šticeenika, a posebno djece u Zavodu za zbrinjavanje mentalno invalidne djece i omladine Pazarić.

Na fotografijama koje je dostavila medijima vidi se kako su djeca vezana za namještaj i radijatore. Nekima su ruke vezane iza leđa, mnoga djeca u takvom položaju provode veći dio dana i čitavu noć te su zbog takvog tretmana kod njih zabilježene fizičke povrede i pogoršano psihičko stanje.

"Ova situacija se može nazvati modernim ropstvom. U zavodu ima 149 uposlenih, od čega je 27 ekonomista 47 bolesne djece. Noću je angažovana jedna njegovateljica koja je vrlo često nestručna osoba. Djeca često sama pružaju ruke da im ih vežu zato što su navikli da čak i po 14 sati budu vezana. Kao rezultat ovih metoda mnoga djeca imaju ozbiljne zdravstvene poteškoće, pored vidnih trauma", kazala je Ćudić.



"Nakon što sam Vladi i resornom ministarstvu uputila zahtjev za hitnu smjenu članova i članica UO i NO koji su ostali iz prošlog saziva te nakon što Odbor za rad i socijalnu zaštitu Zastupničkog doma PFBiH usljed nedostatka kvoruma nije mogao razmatrati podnesene materijale, odlučila sam se da danas Parlament i javnost upoznam o dokazima o stravičnom tretmanu šticećenika. Dio dokaza javnosti je poznat i kroz zvanični zapisnik Poreske uprave FBiH o zloupotrebi sredstava namijenjenih šticećenicima, ali ove fotografije dodatno govore o obimu tragedije koja se dešava ovoj djeci", kazala je Čudić.



Neophodno je, kaže, da se danas Zastupnički dom hitno izjasni te od nadležnog Ministarstva traži razrješenje dužnosti članova iz UO i NO koji su iz prošlog saziva. Tužilaštvo mora ubrzati istražne radnje.



Najavila je da će u proceduru uputiti usvajanje sljedećih zaključaka: hitno zaustavljanje zlostavljanja djece i svih štićenika zavoda, izrada kodeksa postupanja sa štićenicima, redovne nenajavljene inspekcije, izdvajanje hitnih interventnih sredstava za privremeno upošljavanje njegovatelja do izrade novih zakonskih rješenja.



"Tražimo da Ministarstvo rada i socijalne politike u saradnji s Ministarstvom zdravstva imenuje ljekarski tim koji će izvršiti reviziju dijagnoza i uvesti redovne ljekarske preglede. Tražim da resorno ministarstvo nakon 90 dana od usvojenih zaključaka podnese detaljan izvještaj o provedenim mjerama", rekla je Čudić.

Podsjetila je na stav Vlade FBiH od 17. oktobra u kojem se kaže da potrebe korisnika Zavoda u Pazariću nisu ugrožene, te da Vlada nije prihvatila navode koji govore suprotno.

Tekst bez izvora

AVAZ SAZNAJE Nakon što su procurile šokantne fotografije

Tužilaštvo i inspekcija ušli u Zavod Pazarić

Ranije je Zavod posjetila i Finansijska policija

E. Trako / Avaz.ba

22.11.2019 10:41



Zavod Pazarić
FOTO: E. TRAKO

Tužiteljica Kantonalnog tužilaštva u Sarajevu i nadležna inspekcija ušli su u **Zavod za zbrinjavanje mentalno invalidne djece i omladine Pazarić**, saznaje „Avaz“.

Sve se dešava nakon što su u javnost procurile šokantne fotografije štićenika koji su vezani za namještaj i radijatore.

Ranije je Zavod posjetila i Finansijska policija.

Uskoro više informacija...